

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(4 №-а содтӧд)

“Борганнюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Борганнюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын выль заказникъяс да вӧр-ва памятникъяс котыртӧм йылысь” Коми АССР-са Министръяс Сӧветлӧн 1989 во кӧч тӧлысь 26 лунся 193 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Борганнюр” республика тӧдчанлуна канму вӧр-ва заказник.

ООПТ-лӧн дженьыд ним: “Борганнюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогьяссӧ (водзӧ – заказникӧн веськӧдлысь орган).

2. Заказник артмөдан медшөр могъяс да сълөн могъяс

2.1. Заказниксö артмөдöма нитшка вылыс нюр видзöм могысь.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын шоча паныдасылысь пемöс сикасыяслысь оланінъяссö;

видзны ва экосистемаяслысь гидрологическöй режимсö;

туявны вөр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Позтыкерöс сиктсаянь 3 км асыввывлань, Кöрткерöсса лесничестволөн Позтыкерöсса участковöй лесничестволөн 53, 54, 83, 84 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 340 га.

* Оз йöзöдсы.

4. Заказниклөн мудоръяс

4.1. Заказниклөн мудорыс мунö Кöрткерöсса лесничестволөн Позтыкерöсса участковöй лесничестволөн 53 кварталса 4 выделлөн рытиввыв помсянь 53 кварталса 4, 9 выделъяслөн рытиввыв да войвыв мудоръясті, 54 кварталса 9 выделлөн войвыв да асыввыв мудорті, 84 кварталса 1 выделлөн асыввыв мудорті, 83 кварталса 4 выделлөн лунвыв да рытиввыв мудоръясті, 83 кварталса 5 выделлөн рытиввыв да войвыв

мудорті, 83 кварталса 4 выделлөн рытыв-войвыв мудорті петан чутөдз.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклөн мудорьясын меститчысь видзан вөр-ва комплексъяс да налөн компонентъяс

Видзан вөр-ва комплексö петкөдлöма нитшка вылыс нюрөн, мый меститчöма ва визувтан сёнын. Быдмөгьяслөн веркөсыс абу öтсыма. Нюрыс абу öтмоза вöрсялöма. Унджык пуыс чукультчöм пучерьяса, жебöсь либö косьмысьöсь. Нюр дорьясын микрорельефыс вутшка, вутшка-зыбуч, вутшка-нюкöса. Пу пучерьяс дорын сийö джуджыджык. Быдмөгьясыс уна сикасаöсь да петкөдчöны кызд олиготрофнöй, сідзи и мезотрофнöй фитоценозьясөн. Туруна-куста ярусын ёна быдмöны нюрвывса момга турун (*Chamaedaphne calyculata*), кузьмöс корья подбел (*Andromeda polifolia*) да влагалищнöй гöнаюр (*Eriophorum vaginatum*). Ыджыд ин босьтöны обыкновеннöй чöдлач (*Vaccinium uliginosum*), пув (*Vaccinium vitis-idaea*), керч (*Ledum palustre*), гöгрöс турипув да видз выв би турун (*Melampyrum pratense*). Му веркөсыс ёна мозаика сяма. Сийö артмöма нюр да веж нитшьясысь.

Тайö нюрлысь сикаса да ценотическöй озырлунсö артмөдöмö ыджыд пай пуктöны мезотрофнöй участокъяс. Буретш тані пу яруссö обыкновеннöй пожöмкөд (*Pinus sylvestris*) öтвылысь артмөдö пашкыр кызд (*Betula pubescens*). Корсюрö паныдасьлöны кустьяс: бадь (*Salix*) рөдлөн сикасьяс, обыкновеннöй пелысь (*Sorbus aucuparia*), обыкновеннöй тусяпу (*Juniperus communis*) да мукөд. Туруна-куста веркөсыс артмöма татшöм сикасьяссысь: зыбун турун (*Comarum palustre*), бутыльчатöй эжөр (*Carex rostrata*), посни эжөр (*C. lasiocarpa*), кадвуж (*Menyanthes trifoliata*), зыбуч куз (*Equisetum fluviatile*) да гöгрöс турипув.

Нюр дорьясысь ылыстчигөн мезотрофной вутшка участка вежсьоны олиготрофной вутшка-зыбуч да совмысь мусюр-йонда комплексьясысь. Быдмөгьясы тані куста-нитшкаось, куста-мырпоманитшкаось джуджыджыкиньясын; шейхцерия-нитшка, геждджыка эжора-нитшка зыбучьясын да йондьясын. Джуджыджыкиньясысь лөсялөны вылыс нюрьяслы. Туруна-куста яруссы артмома нюрвывса кустьясысь (нюрвывса момга турунысь, керчысь, обоеполый понпирьсь (*Empetrum hermaphroditum*), кузьмос корья подбелысь), турунъяс пиысь ёна быдмөны влагалищной гонаюр да мырпом (*Rubus chamaemorus*). Му веркөслөн шөр эдификаторөн лоё рудовгөрд нюр нитш (*Sphagnum fuscum*). Микрорельефлөн васөд ляпкыджыкиньясын медясө быдмө кык сикас – нюрвыв шейхцерия (*Scheuchzeria palustris*) да балтийской нюр нитш (*Sphagnum balticum*). Корсюрө паныдасьлөны зыбуч эжөр (*Carex limosa*), ойдлан эжөр (*C. paupercula*), английской лысватурун (*Drosera anglica*), гөгрөс турипув, влагалищной гонаюр да кузьмос корья подбел. Абуджык васөд участкасынь, либө “кос” зыбучьясын быдмөны гонаюра-нитшка фитоценозьяс. Му веркөссө артмөдө нюр нитшьяслөн куим сикасысь өти: балтийской нюр нитш, ылөдчан нюр нитш (*S. fallax*) либө кузьмос корья нюр нитш (*S. angustifolium*).

Заказниклы лөсялө ыджыд биологической унапөлөслун. Сылөн мутасын эрдөдома 70-ысь унджык быдмөг сикас (коймөд пайыс на лыдысь – нитш ногаяс).

Заказник мутасын олө Коми Республикаса гөрд небөгө (2019) пыртөм руд тури (*Grus grus*).

6. Заказник торйөн ёна видзан режим

6.1. Заказниклөн мутасын оз позь вөчны овмөс нуөдан да мукөд удж, мый вөсна вермас торксьыны экосистемаяслөн дзоньлуныс, сы лыдын:

- 1) капитальной стрөитан объектьяс стрөитөм;
- 2) линейной объектьяс стрөитөм, тайө Положениелөн 6.2 пунктын

индём случайяс кындзи;

3) абу капиталнӧй стрӧйбаяс да сооружениеяс стрӧитӧм, заказниклысь уджалӧмсӧ могмӧдӧм могысь стрӧитӧм кындзи;

4) пуяс да кустьяс кералӧм да механическӧя жугӧдӧм (виччысьтӧм да аварийнӧй ситуацияяс кындзи);

5) абу пуа вӧр ресурсьяс, вӧрса сӕян-юан да бурдӧдан быдмӧгьяс заптӧм да чукӧртӧм, индём ресурсьяссӧ да быдмӧгьяссӧ гражданаӧн асланыс могьяс вылӧ заптӧм да чукӧртӧм кындзи;

6) прӧмыслӧвӧя кыйсьӧм;

7) муяс бурмӧдӧм;

8) химия препаратьяс да мувердас видзӧм да наӧн вӧдитчӧм;

9) туйясысь, кутшӧмьяс эмӧсь, да торйӧн индём местаясысь бокин механизируйтӧм транспортлӧн ветлӧм да сулалӧм (заказник видзӧм серти мероприятиеяс, а сӧдзжӧ заказниклӧн мудорьясын меститчысь вӧр-ва комплексьяс да налысь компонентьяс видзӧм да бӧр лӧсьӧдӧм серти мероприятиеяс нуӧдӧмкӧд йитчӧм случайяс кындзи), механическӧй транспорт средствояс кындзи, кутшӧмьяс ветлӧдлӧны да сулалӧны тӧвнас, кор усьӧма лым сӕк, кор оз лӧдзны му эжӧд, быдмӧгьяс да вӧр пуктасьяс жугӧдӧмсӧ;

10) туясян (корсьысян, геофизическӧй, геологоразведочнӧй) уджьяс, муывьса да механизируйтӧм средствоясӧн вӧдитчӧмкӧд да му эжӧд да быдмӧгьяс тшыкӧдӧмкӧд абу йитчӧм уджьяс кындзи;

11) мупытшса озырлун, сы лыдын трунда, корсьӧм да перйӧм;

12) заказниклысь мутас ёгӧсьтӧм да няйтчӧдӧм, а сӧдзжӧ производство да потребление шыбласьяс меститӧм (видзӧм да гуалӧм), ортсӧ лӧдзан ва нуӧдӧм;

13) геологическӧй, ботаническӧй, зоологическӧй да мукӧд коллекция чукӧртӧм, наука-туялан могьясын найӧс чукӧртӧм кындзи заказникӧн веськӧдлан органкӧд сӧгласуйтӧмӧн;

14) му эжӧд да быдмӧгьяс тшыкӧдӧм, вӧчны позяна удж сикасьяс збыльмӧдан случайяс кындзи;

15) лэбач позьяс да горсьяс жугөдөм;

16) аншлагьяс, шлагбаумьяс, стендыяс, мудор петкөдлысь сюрьяяс, мукөд юөртан пас да индалысь, экологическөй ордымьясса да шойччан местаясса оборудование бырөдөм да торкөм, пуяс вылын гижалөм да пасьяс вөчөм.

6.2. Заказниклөн мутасын позьö:

1) нуөдны наука-туялан уджьяс заказникөн веськөдлысь органкөд сөгласуйтөмөн;

2) кыйсьыны любительскөя да спортивнөя оланпастэчасөн урчитөм пöрадокын;

3) котыртны да нуөдны вөр овмөс да нуөдны вөрьясын пöжарысь да санитарнөй боксянь видзчысьөмсö могмөдөм серти мероприятиеяс вөр йитөдыяс ладмөдан юкөннын оланпастэчасөн урчитөм пöрадокын тайö Положениелөн 6.1 пунктса корөмьяс төд вылын кутөмөн;

4) стрөитны, выльмөдны, уджөдны линейнөй объектьяс сэк, кор найөс меститны мөд позянлуныс абу, а сіджө заказник уджөдөмсö могмөдөм могысь, заказникөн веськөдлан органкөд сөгласуйтөмөн;

5) капиталнөя дзоньтавны линейнөй объектьяс заказникөн веськөдлысь органкөд сөгласуйтөмөн;

6) нуөдны овмөс да мукөд уджлысь мөд сикасьяс, мыйясысь абу өлөдөма вөр-ваөн вөдитчан да гөгөртас видзан юкөннын оланпастэчасөн да тайö Положениеөн, оланпастэчасөн урчитөм пöрадокын.

7. Бөртас

7.1. Заказниксö, сы лыдын сылөн мутасын меститчысь вөр-ва комплексьяссö да налысь компонентьяссö, видзöны вөр-ваөн вөдитчан да гөгөртас видзан юкөннын оланпастэчас серти.

7.2. Заказниклөн вөр-ва комплексьяслы да налөн компонентьяслы лектор вөчан грөз артмөм дырйи сылөн мутасын вөчны позяна удж

сикасьяссö дзескöдöны, недыр кад кежлö дугöдöны либö дугöдöны федеральнöй оланпастэчасöн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмön, а сідзжö торйöдöны тематическöй картография материальяс вылын.

7.4. Заказниклön вөр-ва комплексьяслы либö налön компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжабсь заказник торйön ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйön ёна видзан урчитöм режимлön уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй сьöмкуд сьöм да оланпастэчасön абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Кöрткерöсса лесничестволысь 1992 вося вөр овмöс котыртан да нуöдан материальяс тöд вылö босьтöмön.